

الشاعر الأستاذ محمد مطر



أطفال فلسطين

القتل، الظلم، الغدر، الجوع
صار محلّ مش ممنوع
وخصوصي قتل الأطفال
ب عُرف الأمريكي الدجال
ب عَزّة مقبول ومشروع
أطفال فلسطين رجال
خلقوا ع مرّ الأجيال
الغادي ب وجوهم مطبوع
كرمال هيك الإحتلال
لن تاريخن قهر وإذلال
بعدن ل اليوم بغزة
عم ينتقمو من يسوع

الجهاد المقدّس

سلاح العرب اللي مكّدس
حق فلسطين شعارو
ع شعوب العربية بس
ميرمج تتوجّه نارو

النتن ياهو النبض جس
وعرف الوضع وأسرارو
كل العريان وع اللس
من أتباعو وأنصارو
والصهيوني ما بينمس
مهما تمادى جزارو
وما في حاكم عربي حس
ثار ودماتو فارو
كلو ع البطل تأسس
وع ظلم الشعب تمأسس
والجهاد اللي مقدس
طمني شو أخبارو
ورجالاتو وين صارو

تحية من القلب الى روح الشاعر الأمريكي آرون بوشنل

الإبادة الجماعية
ب غرة الحرة المنسية
أكبر خزي ووصمة عار
ع جبين الإنسانية
مبارح أمريكي مغوار
بوجه الصهيوني الغدار
رأيو الحر تترجم نار
ب حيك باسم الأحرار
إنت العربي الحر البار
ويرحم روحك يا خيي

ظلم الدني

طفو العتم راح الضمير ينام
طاف الحزن غطى الدروب كوام
بواب السما شبعت صلا
وتمونت ل حدود مية عام
غزة الجريحة تيبسوا شفافا
وظلم الدني تحول على كتافا
ولليوم بعدو الرب ما شافا
مقطوع عندو النت والإعلام

الطفل الفلسطيني

غزة الجريحة أجمل مدينه
وبكرا بترجع للحلا زينه
ورغم الإبادة القهر والتجويع
بتقول، باطل ينحني جبيني
صهيون مهما يزيد ب الترويع
لاتفرحوا يا زمرة التطبيع
فلسطين حق، الحق ما بيضيع
روحوا اسألوا الطفل الفلسطيني